

სახელმწიფო შესყიდვის შესახებ ხელშეკრულება № 353

ქ.გარდაბანი

28 დეკემბერი 2016 წ.

ერთი მხრივ გარდაბნის მუნიციპალიტეტი (მის: ქალაქი გარდაბანი, დ. აღმაშენებლის №73) წარმოდგენილი მისი გამგებლის მოვალეობის შემსრულებლის ზვიადი მაჩაბელის სახით (შემდგომში „შემსყიდველი“) და მეორეს მხრივ, ს.ს.ი.პ „ქვემო ქართლის რეგიონალური დაცვის პოლიციის სამმართველო“ (მის:ქ. რუსთავი მშენებელთა ქუჩა №23) წარმოდგენილი სამართველოს უფროსის რობერტი საბურჯანიას სახით (შემდგომში „მიმწოდებელი“), სახელმწიფო შესყიდვების შესახებ კანონის მე-10¹ მუხლის მე-3 პუნქტის „ა“ ქვეპუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ საფუძველზე სახელმწიფო შესყიდვების სააგენტოს თავმჯდომარის განკარგულების (№SMP160003604) თანახმად მიღწეულ იქნა ურთიერთშეთანხმება შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“, „კვირა“, „თვე“-კალენდარული დღე, კვირა, თვე.
- 1.4 „შემსყიდველი“- ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6 „მომსახურება“ -ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 „შემსყიდველი“ უკვეთავს, ხოლო „მიმწოდებელი“ იღებს ვალდებულებას გარდაბნის მუნიციპალიტეტის გამგებლის შენობის მდებარე ქ. გარდაბანი აღმაშენებლის ქუჩა №127-ში და საკრებულოს შენობა დ.აღმაშენებლის №73-ში მდებარე ადმინისტრაციული შენობის სპეც ალგურვილობითა და ცეცხლსასროლი იარაღით, 24 საათიან დაცვაზე (CPV 79700000).
- 2.2 დაცვის მომსახურება განხორციელდება: 1 დაცვის უფროსის (ტარიფი 1500 ლარი), 3 ინსპექტორის (ერთი ინსპექტორის ტარიფი 900 ლარი) და 10 უმცროსი ინსპექტორის (ერთი უმცროსი ინსპექტორის ტარიფი 700 ლარი) მეშვეობით.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 134 400 (ასოცდათოთხმეტი ათას ოთხასი ლარი და 00 თეთრი) ლარს.

4. ანგარიშსწორების ფორმები და ვადები

- 4.1 ანგარიშსწორება წარმოებს უნაღდო ანგარიშწორებით, მიმწოდებლის ანგარიშწორების ანგარიშზე მიმწოდებლის მიერ წარმოდგენილი ანგარიშ-ფაქტურის დადასტურებიდან 10 სამუშაო დღეში.
- 4.2 ანგარიშწორება მოხდება ეროვნულ ვალუტაში (ლარებში).

5. მომსახურების გაწევის ვადა

- 5.1 მომსახურების გაწევის ვადაა: 2017 წლის 1 იანვრიდან 2017 წლის 31 დეკემბრის ჩათვლით.

6. მხარეთა ვალდებულებები

6.1 „შემსყიდველი“ ვალდებულია:

- ა) ხელშეკრულების საგნით გათვალისწინებული მომსახურებისთვის გადაუხადოს „მიმწოდებელს“ შესრულებული მომსახურების ღირებულება.
- ბ) კონტროლი გაუწიოს ხელშეკრულების საგნის შესრულებას.

6.2 „მიმწოდებელი“ ვალდებულია:

- ა) სათანადო ნორმების დაცვით შეასრულოს ხელშეკრულების საგნით გათვალისწინებული მომსახურება.
- ბ) თავისდროულად და წერილობით აცნობოს „შემსყიდველს“ მომსახურების შესრულებისას მოსალოდნელი შეფერხებების შესახებ.

7. ინსპექტირების პირობები

- 7.1 ხელშეკრულების საგნით გათვალისწინებულ ვალდებულებას ინსპექტირებას უწევს გარდაბნის მუნიციპალიტეტის გამგეობის ადმინისტრაციული სამსახური.
- 7.2 არაჯეროვნად გაწეულ მომსახურებას ინსპექტირების ჯგუფი აფიქსირებს ოქმით. აღნიშნულის გამოსწორება ხდება „მიმწოდებელი“-ს მიერ საკუთარი ხარჯებით

8. პირგასამტეხლო ხელშერულების პირობების შეუსრულებლობისათვის

- 8.1 ხელშეკრულებით-ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადავილებულ დღეზე ხელშეკრულების ღირებულების 0,1% -ის ოდენობით.
- 8.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 8.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

- 9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4 ხელშეკრულების ერთ-ერთი მხარის მიერ ხელშეკრულების პირობების შეურულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5 მხარე ვალდებულია 9.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 9.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

- 10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან

11. დავები და მათი გადაწყვეტის წესი

- 11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

- 12.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2018 წლის 31 იანვრის ჩათვლით.

რეკვიზიტები:

„შემსყიდველი“

გარდაბნის მუნიციპალიტეტი
მის: ქალაქი გარდაბანი, დ. აღმაშენებლის №73
საიდენტიფიკაციო კოდი: № 226573204
მიმღები ბანკი: სახელმწიფო ხაზინა.
მიმღების დასახელება: ხაზინის ერთიანი ანგარიში.
ბანკის კოდი: TRESGE22

„მიმწოდებელი“

ს.ს.ი.პ. ქვემო ქართლის რეგიონალური დაცვის
პოლიციის სამმართველო
მის: ქ. რუსთავი მშენებელთა ქუჩა №23
საიდენტიფიკაციო კოდი № 211350928
მიმღები ბანკი – სახელმწიფო ხაზინა
მიმღების დასახელება – ხაზინის ერთიანი ანგარიში
ბანკის კოდი – TRESGE22
მიმღების ანგარიში/სახაზინო კოდი - 707117047

გარდაბნის მუნიციპალიტეტის გამგებლის
მოვალეობის შემსრულებელი:

ს.ს.ი.პ. ქვემო ქართლის რეგიონალური დაცვის
პოლიციის სამმართველო-ს უფროსი

ზვიადი მანუჩიძე

რობერტი ხაბურზანია